

如是成真得道亦復如是若或衆生為魔所擾形神離舍長役陰關無有解脫如是之事甚可怖畏思道出家遠出塵滿如我所說復能行者是生快樂不墮輪迴不生邪見能除一切無有貪着常奉正教無有暫捨恒如飢渴須得飲食而說偈曰

清靜妙因 普及一切 未發心者 令得發心 諸不信者 亦令趣向 大發善願 各得精進 善說法者 猶如良醫 得以妙藥 治諸盲人 今見日月 是大經典 開發慧眼 令得安住

黃林經靈符

木 庚 嬰 勝 坤 魁 壽 唐
巽 當 處 開 進 登
未 務 言 慶 蕭 肅 唐

玉清境黃林經

玉清境上真經第八

清靜妙品自然無有他想至上無極遍及無邊無量一切天人無不敬仰受持經法如愛重寶如敬我身如愛己子念念不忘即令汝等便得解悟得無上力常住不動無上無極轉輪成就是修道行仙之導師若或說法無不稽首若或辯論無不稽首善來聞法一切解悟三界虛空權假是名聖人如有威德力故行妙法示諸衆生如是難事凡夫下劣無有勢力不能度量如是之事故昏迷難入聖人於是故行智慧方便門戶引諸衆生皆成妙善至於上境精持教化乃可脫離苦趣況夫五陰無實三徒若多念念生滅諸法不住善來會中不退不轉善得果報是名為樂勝因常行清靜無礙自在得善果報汝於會中思量功德輕重利益之者復次覺真若有道士女冠功德積累不可思議真寶法侶三萬六千人衆所共知明大智慧行皆悉成就大道威神為護法城受治正法名聞十方衆人所請紹隆三寶能使不絕降伏魔障制諸

外道悉以清靜永離愛纏心常安住無礙解脫念念總持辯才不斷布施持戒忍辱精思微妙智慧及方便力無不具足一隱一顯處於虛空其大智力得無生忍成道名字入不退轉入清靜行略說大道五百劫中講經說法終日竟夜論說其義終不能盡汝等當知自此以去百千萬劫若有修行至無為處無相有相智慧入定不起法忍從上至下稽首稽首三十二相了見道意神智無量猶如虛空不可量度復次至人於往昔時求道正教憐愍衆生如母愛子道甚久遠非是今日若能懇心奉持念念不忘自發是言善哉善哉名為方便十方尊神感我是心皆施妙法力即於是時五路通達魔鬼潛伏正於其時皆明正願各得成就而說偈曰

我今所見 即知正法 有大果報 難可譬喻 如於暗處 得大明燈 普使一切 得是光明 身得安穩 無有煩惱 以是因緣 悉得具足 善哉妙法 方是深奧 以是義故 成就果實

上真經靈符

震 震 震 震
 夬 夬 夬 夬
 夬 夬 夬 夬
 夬 夬 夬 夬

玉清境上真經終

玉清境道教經第九

嘗聞至道無言妙隱玄中之玄因問之曰
 天尊遂謂諸天仙衆無極無邊至真大神同
 會妙有殊庭闡揚教範汝等皆欲求道而曰
 聞道粗妙甚多汝今發問是聞果實乃發此
 心求無上道終不可得如五道大力鬼神則
 於劫中皆同天地生化為生疑網求於祭酒
 永居土地不能棄戒去失道本如汝等心欲
 聞我正教當於此時發無上大智慧心大不
 可思議心而後得聞汝今覓道汝曾得聞希

有希有道非色中求非不色中求不着有中
 求不着無中求為諸衆生假作諸法隨其所
 設強立名字得其名字實雜名字無上正真
 但聞其名無量功德不可思議何況受持雖
 無形相杳冥冥其中甚精無礙上法真性
 不動其威如海其威廣大降伏勞怨制諸外
 道甚難可得應化無邊不可思議是道玄妙
 是言希有之事說是法相我今受汝汝當信
 念莫生退想莫懷疑想莫起畏想莫信他想
 莫言無力莫言甚難但須直心正念種種善
 根自然了法入道源流常得一味若無所得
 不起法忍善習智慧常勸一切普令得道無
 生障礙勿生嫉妬但施一心平等說法最上
 因緣實難思議無有窮盡廣說因緣無有懈
 怠常作法音讚嘆歌詠令一切衆生同生廻
 向發無上至真大不可得心成大圓滿修習
 正教廣度無窮各運大不可思議力大智慧
 神通力當於此時受法得度善來因緣如是
 如是若有衆生於劫劫中略得聞法亦復如
 是無有限量無有邊際皆是種子恐於種子

自不能種難生果實汝等一切甚難希有能
 隨順轉永不退輪悉皆具足知種善根是諸
 天衆得無所畏功德智慧以修其心相好嚴
 身具足第一先得善果捨諸世間所有好名
 稱高志趣高遠無餘復習而說偈曰

以此善道示諸世間猶如天雨潤益增長
 一切諸衆成就果實悉除飢饉多受豐樂
 神尊秘藏無量智慧衆惡永滅萬邪不干
 神照深遠得其玄妙真實不動得無畏力
 道教經靈符

震 震 震 震
 夬 夬 夬 夬
 夬 夬 夬 夬
 夬 夬 夬 夬

玉清境道教經終